

PANORAMA OF PROPHECY

HINKHO KHEL LAMDANG BIBLE JILNA!

PATHEN NEIHO LUNGTUP

Matthew 26:31-75

A THUSIM...



Peter in Jesu angailui, ahinlah mi'n aseiphat ding jong chu adeiji lleh e. Ann anekhom nau jan nukhah pet in seijuiten ajamsan diu thu chu Jesu'n aseile, Peter chu ahung dingdoh in vanle lei panin akihahsel in Pakai midang in jamsan jongleh keiman najamsan ponge ahin tie. Jesu in adonbut in, "Tujan, ahchal akhon masanga, thumvei neiseilep ding ahi." Ati Matthew 26:34.

Peter in atah tah dinga aseil ahi hijongleh alungsunga hoithona neipuma aseilam chu akihetlou ahi. Jingkhovah a Jesu Christa ahung mat phatuvin seijuiten amohvet uvin, hichun Peter in jong Pakai panpina ding in chemjam akilah in avat lele tan ahi. Hijeng jongleh Jesu thu atanchaiyu phat sotlouvin, Jesu Christa melma ten Peter chu agingmo uvin ajonteyiun ahileh, Peter in jong Jesu Christa chu kui ahilamcha jong kahekhapoi tin thumvei jen aseilep tai. Ahasei lai chan un Peter chu hatah in akilep cheh cheh in, ajona in vanleh lei pan in akihahsel tai (Matthew 26:74)

Hichetah chun ahchal ahung khongtai. Jesu Christa jong thutanna insunga mi'n avoh a ajep laitah u ahin, ahung kinung heiyin ngailutna leh khotona mel toh thoa Peter chu ahin vetleh, apet pet chun amapa lungthim ajunlha jeng tai. Pakai thusei "Jingkah ahcha khon masanga thumvei neiseilep ding ahi" ati chu ahin geldoh in, chuleh ama kihahselna chu ageldoh tai. Hijeng chun Peter chu agapot doh in lhaset chungnung in alhase in akap tai." Luke 22:61, 62.

Hiche nikhoa kipat chun Peter in hinkho kikhelna chombekh ahin neitai. Miho lungholna in akisalal tapon, ahinlah Pathen lunglhaina dingbou chu aboipi tai. Apenthah jouva kipat chun, Judate vaihomna insunga adinsah uvin, Jesu kitipa thu naseikit leh nakijep ding nakivo ding ahi tia juda ten mipi angunga gihsalna abol uvin jong, Peter in hangsantah in adonbut in, "Keihon mihem thu sanga Pakai thu joh kangai diu ahi: ati Solchahte 5:29. Rome kumpipa Nero in Peter tha dinga amat laitah chun aman jong Jesu seilep kit sangin thingpel chunga kabungbu in nekhai uvin tin Jesu Christa dinga tahsan umtah a adin a chuleh Jesu angailutna chu ana phongdoh tai.



*Hiche simmun jih dim na din adobe reader mang in: “Adobe Reader”
Hiche simmun a Bible version kimang hi Pathen lekhabu theng ahi:
“Pathen Lekhabu Theng (Kuki - O.V.)”*

SIM DING

Bible hobi sim cheh inlang a onglai sudim in.

1. Pathen langa ihi ihilou chu itobanga Aman ipity ahettehi ham?

Matthew 7:21 *“Pakai, Pakai eiti chan chu van gama ding
ahipoi; koi hileh van a um ka-Pa lung lam bou chu lut ding
ahi.”*

Rome Mite 6:16 *Koi heng koi heng hijongle athua nung dinga asoh-a
chu, thina dinga chonsetna lam hijongle chonphatna dinga
thua nunna hijongle, athua soh chu nahi, hichu nahet
louvuham?*

NOTE: Koi langa nahi ham nahilou ham ti chu athua naumnapa dungjuiya beilamtah a kihedoh ahi. Eihon Pathen chate kahitauve tiutin satan thuhil ngen chu joptaleu hen, eiho leh eiho kilhemlha ihuive.

2. Pathen thupeh leh mihem thupeh akibahlou teng, koi thupeh joh iju diu ahi tia Peter in aseiyem?

Solchahte 5:29 *Ahivangin Peter le solchahho chun adonbut’un, “Mihem thu
sanga thua kanunjoh dingu ahi.”*

NOTE: Peter apentah a Jesu ngailutna aneijouva konin, Juda lamkai ho henga aseiyin Keiman Pathen lunglam bou kabol ding ahi ati. Tunia hi eihon jong ni nunung tengleh sahem dan thupeh leh Pathen dan thupeh chu hung kikalto ding ahiti iheu. Eihon vang Pathen thu banga chonna joh chu ikilhen diu ahi – ipi hung lhung ding hijongleh.

3. Ahoina theipen a Pathen ingailut dan itobanga ivetsah theiyuvem?

John 8:31 *Hijeh chun Jesu n Juda mi atahsan ho jah a chun, “Nang ho
hi jom jinguva ahile kaseijui tahbeh nahiuve.”*

John 14:15 Keima nei ngailut'u le kathupeh ho

dingu abi.

1 John 2:4 Keiman ama chu kahetaila tia athu
ahin, asunga thutah umlou ahi

lou chu mijou

NOTE: Mikhat in Jesu kangailui tia ahoitheina pen a avetsahna chu alungdei lama achonna chu ahin, chuleh Pathen dan thupeh hi Pathen lungdei kiphonna bukim chu ahi (Labu 40:8).

4. Ipi jeh a Jesun miphalhem hochu Pathen hetah dan a um u ahe atiham?

Matthew 6:2 Hijeh chun mi thil napeh teng mi ding ngaito
nan mipha lhem ho bangin kikhopna in tin le lam dungah namasang
sanguva sumkon mut hih-un; tabbeh a kaseipeh nahiue, amaho chun
kipaman akisanu ahitai.

Matthew 6:5 "Nang ho Pathen henga natao tengule mipha lhem ho toh
bang hih-un, amahon mi dingin kikhopna in tin le lamkon tin
a din a tao adeiyun ahi. Tabbeh a kaseipeh nahiue, amaho chun kipaman
akisanu ahitai.

NOTE: "Mihem in polam mel avetji ahin, Pakaiyin vang lungsung avetji ahi" 1 Samuel 16:7 tia Bible chun asej ahi. Christian dih tah chun mihem in amuding sanga Pathenin agel ding joh chu hatah a agelkhohji ahi.

5. Mi ho bol bol juijeng kiti hi phajingkei hinam?

Potdohbu 23:2 Nangman thilse bol dinga kijot mipi nung namoh
ding; japi nung najuidaa thutan dihna chu
leheipeh dinga jong mi le mi kihahna chung changa bettohsah a napan lou
ding ahi;

Matthew 7:13, 14 "Kot jima lut'un; ijeh-inem itile lam chu
akot jatah ahin, alampi jong lentah ahi, chule chua lut chu
ahi. Hinna lam chu akot jong ajimin, alampi akichin, chule hichu amua
alhome.

1 Peter 3:20 Amaho chu masang laiya. Noah nikho lai sungsea Pathen lung
debatna-in a-nga laiya chu thua nunglou anahiua ahi. Hiche kongu chu mi
khat, get seh bou twiya a ahi.

NOTE: Mipi atamjo nungju kiti hi alhangpia thilse lamjoh jotna ahinome tihi khanglui thusim hoa akimu e. Joshua leh Caleb songa selih a chuleh Egypt langa kilekit taute tia boina semho chu mipi ahiuve (Minbu 14:4-10). Chuleh “Khenbeh un, khenbeh un” tia pengho jong chu mipi ahikit uve Luke 23:21. Chukit jongleh ni nunung tengleh sahém melchihna kilah ding hi mi atamjo hung hiding, alhom lang hung hilou ding ahi (Thuphon 13:16).

6. Pathen thupeh sanga mihem thupeh joh ikoi masatji tenguleh Jesu in iti agel em?

Mark 7:7, 9 *Ahoi hitaleh amahon athu hil'u hi Mihem thupeh jeng ahil'u ahijeh-in, Eihouvu jong hi moh ahi,' tia kisun chu atahbeh ahi. Aman ajah uva, “Nang hon akhang akhanga ahung chonna dan namandet theina dingun, Pathen thupeh chu kichentah-in napai-yuve.*

7. Ni nunung tengle Christianity hi machal lheh inte nati em?

Matthew 24:9 *Hiche phat teng chule genthei hesoh thoh dinga mihon nang ho nahinpeh doh dingu ahi. tha jong natha dingu ahi; chule keima min jal a nang ho vai nahung um dingu ahi.*

2 Timothy 3:2 *Chule koi hile ngaisah kijentah a Christa Jesu a hinga um lung go chan chun bolsetna ding ahi.*

Thuphon 12:17 *Chutah chun gul chu numeinu chunga chun alung hangin, chilbah ho Pathen thupeh nit le Jesu thu hettosah jop amoh chengse chutoh dingin akon-doh tan ahi.*

Thuphon 13:15 *Chule sahém lim chun thu aseí theina dinga, chule chuche sahém lim chu abou lou jouse akitha theina dinga, ama chun sahém lim sunga chu hinna hu akhum ding, hichan geiya chu kipea ahi,*

NOTE: Ni nunung tengleh, satan leh anungju jousen Pathen mi dihtah, Bible tahsan chate ho chu ahindou ding ahi.

8. Mi atamjo lunglhainaa um ding toh Pathen natoh hi kikop theyiem?

Matthew 6:24 *“Koima Pakai ni soh ahi theipoi; ijeh-inem itile aman khat tin khatjoh ding ahi, ahiloule khat'a hakatiyin tin khatjoh anahsahmo ding ahi. Nang ho Pathen le sum soh nahikop thei lou ding ahi.*

Matthew 12:30 *Koi hile keima lama pang lou chu ; chule eikhop khompi lou chu athecheh ahi.*

NOTE: Christa leh satan kidouna sunga hi, koimcha langa kapangpoi tih umtheilou ahi. Jesu Christa lama ding ihilouva ahileh, satan lama ihijing uve.

9. Jesu Christa sanga insung mi ahilouleh loilegol ngailut joh hi pha hinam?

Matthew 10:37 *Koi hile keima sanga apa ngailujoa chu keiya hoi ahipoi; chule koi hile keima achanu le achapa ngailujoa chu keiya hoi ahipoi.*

Luke 14:26 *“Koi hijongle kahenga hunga apa. anu. , achate, asopihō. asopinu ho chule ama jeng jong itcha louhel’a bol lou chu kaseijui hithei lou ding ahi*

Matthew 12:50 *Ijeh-inem itile van a um ka-Pa lama chonpatah chu kasopipa le kasopinu chule ahi,” ati.*

NOTE: Isopi ngailut cheng huhdohna dinga Jesu christa ngailut masat ding hi Aman aseidoh nom ahi. Huhhingpu leh eisempa ngailut masanga isopi i-insung mi dinga ngailutna jouse bohllah jeng hi bolkel lentah hithei ahi.

10. Jesu sanga leiset minthanna holeh neile gou kikoi hi chihna lut hinam?

Matthew 16:26 *Ijeh-inem itile min leiset apumpin neihen lang ahinna chanta le a-ipi phachom ding ding ham? Ahiloule min lhenga ipi apeh ding ham?*

Luke 12:15 *Chuin ajah uvah, “Ching theiyun lang neipap kiloset jousea konin kikangseuin; ijeh-inem itile hao lheb jongle mi chu ahinna ahi-poi,” ati.*

NOTE: Natoh neiya thilhoi thilpha neiya kona kipana hungkon ding ahi tia tahsanna hi thina thei lhepna ahi. Hitilam chu hilouva, Jesu in “mihaosa vangam alut sangin, hewbil a sanong sang alut ding abeijoi” tin aseiyē Mark 10:25.

11. Pathenin athutah eivetsah nunga athu ngailouva um ding hi pha hinam?

Hosea 4:6 *Kamite chu hetna alhahsam jeh uvin aumdoh-uvin, Nangman hetna nahsah naum phat’in, Nathemput a konin nangma kapaitai; Hitobanga nangin Na Pathen nasuhmil jeh-a hi Kenjong danthu nasuhmil a kadonda ding ahitai.*

Hebrew Mite 10:26 *Ajeh chu eihon hetna inei
ihenasa le ijanasan chonset bol leu hen. chonsej jal'a longlhenna kikkeh umta
lou ahin;*

12. Thutah janomlouva dalbol tei teiho chu ipity diu ham?

2 Thessalonica Mite 2:10-12 *Chule ho chengse chu chonphat
louna jousea duha lhep lhah a um ahivue; hichu amahon huhbinga aumna
dinguva, chu alah lou jeh-u ah. Chule hichena
dinga hi Pathenin amaho chungu chu subkbel lamvaina natoh alhunsah ah;
chutia chu amahon thujou chu dingu; thutah tabsan louva
chonset alunglam hijoho jouse thu kitan ding ah.*

John 3:19 *Chule themmo achon nau chu hiche ah, vannoiyah vah ahungin
ahivangin achon nau jeh-in mihon vah sangin muthim
ah;*

NOTE: Jesu chu thutah ah tin Bible in aseiyé (John 14:6). Thutah chu ipilam ipilam in sangnom hih jongle chun Jesu kisanlou nahijenge.

13. Ni nunung tengle Pathen mite bolsea pangho chun thipha bol dan in akigel diuvm?

John 16:2 *Amahon kikhopna a kona nahin kaidoh dingu; ah, phat chu
hung lhung ding ah, chutengle koi hile nathat chanu chu
dinga tonga kingaito ding ah.*

14. Thutah hea ahivanga juinom lou hochu Peter in iti ding ah atiem?

2 Peter 2:21, 22 *Ajeh chu ahét nunguva amaho kipea thupeh thenga kona
sangun chonphat lampi chu ahét u
hile amaho dinga phajoa ah. Uiyin aloh lhahsa kit jin, vohpi
kisil ngimsa jong bonlhoh lah a akibol'in akilejie, ti pao chamtuh hi amaho
chungu lhung abitai.*

15. Jesu nungjui kiti hi hahsatna leh eima kingaitomna jao em?

Luke 9:23 *Chuin aman abonchauva jah a. "Koi hile kanung eijui noma
chun ama hen lang mseh-in athingpel kiput hen lang kanung
hinjui hen.*

16. Jesu nung oltah in jui inge tia vohchon chon thei ham?

Hebrew Mite 4:7 *Khonung sottah nungin, ‘Tuni nikho khat atep kit tan, David kama masanga bang chun.’ “Tunia nang hon a-o uva ahile Nalung tahsah hib-un.” ati kit in ahi.*

Hebrew Mite 2:3 *Huhhingna loupi hi leu hen eiho iti isochat dinga ham? Hiche huhhingna hi amasa Pakai kama ase, aja hon eiho dinga aphudet ahin,*

2 Corinth Mite 6:2 *Ijeh-inem itile Aman hitin ati, “Keiman lah phatchan nataona kasange; Chule huhhing nikho nin nangma kabun ahi.” Veuwin, lahphat tah ahi; veuwin, tu hi huhhing ahi.*

NOTE: Pathen ogin ngaina ding phat hoipen chu najah pet chu ahi, chuleh Pathen deilam bolna dinga phat hoipen chu Aman nakomupet hi ahi. Phat tamtah naneinai, oltah a thulhuh nasem thei ahi tihi satan in mitamtah alhep lungmongna ahi. Pathen ogin najah chu oltah dia nakoidoh a ahileh thip doh ding ahi tihi satan in nahetpeh ahi. Nikhat tengleh, ajoutengleh Jesu jui pan nange tijeh a hi mihem telmah jat a sim satan in manthahna lampia apuilit ding ahitai, ajeh chu hiche nikhat chu hunglung talouhel ding ahi.

17. Thutah juina jeh leh kisan jeh a phatchomna kimu chu ipi ham?

Labu 119:165 *Nadanthu deihon lentah anei yun, Imachan kipal lhuh sah pouvin te.*

John 8:32 *Chule thutah chu heuvin natin. thutah chun dinga ahi,” ati.*

1 Peter 1:22 *Nalhagao chengu nasuh ahitah a. kisopi ngailut cheh dinga le thutah thua nunga sei ngaiya nahi ahitah a ahile. lung gil’in khat le khat ki-ngailu to cheh-un;*

NOTE: Koihileh thutah kisan a chuleh jui jouse lung sunga chamna lentah, bitna, leh jalenna tah alhung jie.

18. Jesu in Peter henga thumvei jen adoh chu ipi ham?

John 21:17 *Chuin athum vei nan ajah a, “John chapa Simon, nangin tabbeh mong ham?” ati kit leuvin ahile, thumvei jen, “Neingailu’em?” atijeh chun Peter alung nommotan, ajah a, “Pakai, nangman ijakai nahenai; keiman nangma ka-ngailut nangman nahenai,” ati. Jesu n ajah a, “Kakelngoi ho vah-in.*

NOTE: Pathen a dinga kipum pehlahna leh kiphal thengselna ahiteng leh hiche thudoh hi poimopen ahi. Ama na ngailut hinam?

NA KIGELHAHNA

Hiche chonsetna leiya hi thutah chu itijongle minche louhel ding abi, chuleh mi atamjo hin lampi nom akilhensoh kei ding abi. Ahinlah nachonset lhatdohna dingin Jesun nanga dingin ngailutna mantam tah ahinvetsah tai. Pathen in nanga din tohgon semtupsa loupitah aneiye. Hiche jeh a chu hiche thutah hi nahenga ahin phondoh ahitai. Tunia hiche ngailutna chu lethuhna dinga Ama chu huhhingpu leh lengpa a nakisan a chuleh hoilai hijongleh aman nasolna chan a chena dinga na lung thim pumpi napeh nom em?

DONBUTNA: